

1401



Apoteke Sarajevo

Javna ustanova za promet lijekova, lijekovitih preparata i ostalih roba

KANTON SARAJEVO
SKUPŠTINA KANTONA SARAJEVO
 Reisa Džemaludina Čauševića 1, 71 000 Sarajevo

Bosna i Hercegovina
 Federacija Bosne i Hercegovine
 KANTON SARAJEVO

PREMLJENO: 14-04-2026			
Organizaciona jedinica	Kvalifikacioni status	Broj	Broj prijave
01	04	644-26	51

KANTON SARAJEVO
 Ministarstvo zdravstva
 Reisa Džemaludina Čauševića 1, 71 000 Sarajevo

Broj: 01-01-1034/26
 Sarajevo, 13.04.2026 godine.

PREDMET: Zastupnička inicijativa, Zastupnice Marijele Hašimbegović, odgovor dostavlja se
 Broj: 01-04-644-26-26 od 03.04.2026. godine.


Povodom zastupničke inicijative zastupnice Marijele Hašimbegović, kojom se traži hitno provođenje nadzora i preispitivanje zakonitosti postupka izbora generalnog direktora JU „Apoteke Sarajevo“, Upravni odbor JU „Apoteke Sarajevo“ daje sljedeće izjašnjenje:

Upravni odbor je, u skladu sa odredbama Statuta JU „Apoteke Sarajevo“ („Službene novine Kantona Sarajevo“, br. 4/14, 20/16, 45/19 i 01/22) i Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), nadležan za imenovanje Konkursne komisije za provedbu javnog konkursa za izbor i imenovanje generalnog direktora, pri čemu se primjenom navedenih propisa ista imenuje iz reda zaposlenika ustanove.

U tom smislu, dana 04.02.2026. godine, na Drugoj sjednici, u okviru tačke dnevnog reda AD- 5 “Odluka o raspisivanju javnog oglasa za izbor i imenovanje Generalnog direktora JU „Apoteke Sarajevo“, koja između ostalog obuhvatala i donošenje Odluke o formiranju Konkursne komisije za provedbu javnog konkursa za imenovanje generalnog direktora, Upravni odbor je pristupio imenovanju Konkursne komisije, u potpunosti u skladu sa važećim propisima.

Posebno naglašavamo da je, na zahtjev tadašnje generalne direktorice i uz saglasnost članova Upravnog odbora, ista napustila sjednicu prije odlučivanja o sastavu komisije, te nije prisustvovala

Apoteke Sarajevo • Javna ustanova za promet lijekova, lijekovitih preparata i ostalih roba
 Adresa: Kranjčevićeva br. 29, 71 000 Sarajevo, BiH • Telefon: +387 (0) 33 722 660 • Fax: +387 (0) 33 722 667
 Transakcijski račun: 3383202250010069 (UniCredit Bank d.d.)
 www.apoteke-sarajevo.ba



raspravi niti donošenju odluke po ovoj tački dnevnog reda. Time je u potpunosti otklonjena svaka mogućnost njenog uticaja na izbor članova komisije.

Nadalje, nakon što je jedan od imenovanih članova komisije obavijestio Upravni odbor da je podnio prijavu na javni konkurs za poziciju generalnog direktora, Upravni odbor je dana 06.03.2026. godine, na Četvrtoj sjednici pod tačkom AD 3 *“Izmjena odluke o formiranju Konkursne komisije za komisije za provedbu javnog konkursa za imenovanje generalnog direktora”*, pristupio izmjeni sastava Konkursne komisije, u dijelu koji se odnosio na tog člana, vodeći računa o sprječavanju sukoba interesa i osiguravanju zakonitosti postupka.

Radi pružanja potpunih informacija, koje su potencijalni uzrok pogrešnih informacija na kojima je zasnovana zastupnička inicijativa, upoznajemo Vas sa sljedećim činjenicama: ranija generalna direktorica je povodom diskusije o ovoj tački dnevnog reda uzela riječ na sjednici Upravnog odbora i osvrnula se na kvalifikacije kandidata predloženih od strane članova Upravnog odbora. Odmah nakon njenog obraćanja, upozorena je od strane predsjednika Upravnog odbora na potencijalni sukob interesa, pri čemu je podcrtano da se izneseno može u obzir uzeti radi informacije, a nikako kao vrijednosni sud, koji je od značaja za odluku.

Upravni odbor dodatno ističe da je izbor članova Konkursne komisije iz reda zaposlenih izvršen u skladu sa prethodno navedenim relevantnim zakonskim i statutarnim odredbama. Također, u okviru pripreme ovog izjašnjenja, izvršen je uvid u ranije konkursne procedure od 2019. godine, te je utvrđeno da je praksa imenovanja komisije iz reda zaposlenih JU „Apoteke Sarajevo“, posebno rukovodećeg kadra, kontinuirano primjenjivana.

Prema saznanjima Upravnog odbora, identična praksa, prilikom imenovanja konkursnih komisija provodi se i u drugim zdravstvenim ustanovama u vlasništvu Kantona Sarajevo.

Kontinuitet ovakve prakse dodatno potvrđuje njenu usklađenost sa pozitivnim pravnim propisima i ustaljenim standardima u radu javnih zdravstvenih ustanova.

Propisi ne predviđaju ograničenje prema kojem se aktuelni generalni direktor ne može prijaviti na javni konkurs, niti propisuju obavezu izmjene sastava komisije u takvom slučaju; naprotiv, relevantne odredbe jasno upućuju da se komisija imenuje iz reda zaposlenika Ustanove, pri čemu je Upravni odbor, postupajući u skladu sa tim, imenovao lica koja, prema svojoj poziciji, nivou odgovornosti i drugim relevantnim kriterijima, posjeduju potrebne kompetencije za obavljanje funkcije člana komisije.

Upravni odbor nema saznanja da su u radu Konkursne komisije narušeni principi objektivnosti i nepristrasnosti, te se u tom dijelu ne može očitovati na navode koji impliciraju suprotno. Također, članovi komisije nisu obavijestili Upravni odbor o postojanju bilo kakvog vida uticaja ili pritiska na njihov rad, slijedom čega Upravni odbor polazi od pretpostavke da su svi principi i načela rada komisije u potpunosti ispoštovani.

Sve prethodno iznesene činjenice imaju uporište u usvojenim zapisnicima sa održanih sjednica Upravnog odbora (druga sjednica od 04.02.2026. godine i četvrta sjednica od 06.03.2026. godine), koji predstavljaju vjerodostojan i relevantan dokaz o toku i zakonitosti provedenih radnji.

Imajući u vidu sve navedeno, Upravni odbor konstatuje da je postupao isključivo u skladu sa važećim zakonskim i podzakonskim propisima, te da navodi iz zastupničke inicijative, koji impliciraju da je generalna direktorica odobrila sastav Konkursne komisije, nisu osnovane i činjenično utemeljene.

Upravni odbor ističe da je u svim fazama postupka postupao savjesno, odgovorno i u potpunosti u skladu sa važećim propisima, vodeći računa o načelima zakonitosti, transparentnosti i sprečavanja sukoba interesa.

JU „APOTEKE SARAJEVO“

Predsjednica Upravnog odbora

Vesna Pirija, mr.



Dostaviti:

- naslovu
- a/a



Apoteke Sarajevo • Javna ustanova za promet lijekova, ljekovitih preparata i ostalih roba
Adresa: Kranjčevićeva br. 29, 71 000 Sarajevo, BiH • Telefon: +387 (0) 33 722 660 • Fax: +387 (0) 33 722 667
Transakcijski račun: 3383202250010069 (UniCredit Bank d.d.)
www.apoteke-sarajevo.ba



